

Saksnr: 2019/10-1
Saksbehandlar: Sigrid Aardal

Saksframlegg**Saksgang**

Utval	Utv.saksnr.	Møtedato
Fylkesting		15.10.2019

Val av fylkesutval for perioden 2019-2023**Forslag til vedtak**

Som medlemmer og varamedlemmer i fylkesutvalet for valperioden 2019 - 2023 blir valde

Medlemmer:

Varamedlemmer:

Samandrag

Det nyvalde fylkestinget skal i det konstituerande møtet, innan utgangen av oktober månad, m.a. velja medlemmer og varamedlemmer til fylkesutvalet. Valet gjeld for den nye valperioden 2019-2023 rekna frå konstitueringa. Dette er fastsett i lov av 22.juni 2018 nr.83 om kommuner og fylkeskommuner (kommunelova) § 5-6 og § 7-1. Valet må haldast som forholdsval når minst ein medlem krev det, og elles som avtaleval.

Fylkesutvalet har 17 medlemmer

Rune Haugsdal
prosjektleiar

Bertil Søfteland
leiar fylkessekretariatet

Saksframlegget er godkjent elektronisk og har difor inga handskriven signatur.

Vedlegg: Rettsreglar- kommunelova 22.juni 2018 nr. 83.

Saksutgreiing

Bakgrunn for saka

I kommunelova § 5-6 er det fastsett at det i kvar fylkeskommune skal vera eit fylkesutval. Talet på medlemmer og framgangsmåten ved val av fylkesutval går fram av nemnde lov kapittel 7. Val til folkevalde organ.

Fellesnemnda har vedteke at fylkesutvalet for Vestland skal ha 17 medlemmer med varamedlemmer. Dette går fram av fellesnemnda si innstilling til fylkestinget i sak om « Reglement for folkevalde organ» som er behandla av fylkestinget i dette møtet.

Når det gjeld tal på varamedlemmer som skal velgjast har kommunelova berre ei minstetal når det gjeld val som vert gjort som forholdsval. Det er sagt at ei liste/gruppe bør innehalda 2 fleire varamedlemmer enn det er faste medlemmer. Dette bør og leggjast til grunn ved avtaleval.

Forholdsval eller avtaleval

Val av medlemmer til folkevalde organ skal skje som forholdsval når minst ein medlem krev det, jf. kommunelova § 7-4 første ledd. I andre tilfelle skjer valet om avtaleval. Fleirtalet kan såleis ikkje avvise eit krav om forholdsval. For val av formannskap følgjer dette også av § 5-6 andre ledd andre punktum.

Alle medlemmer av folkevalde organ har ein rett og ei plikt til å røyste, jf. § 8-1 første ledd, men § 8-1 andre ledd andre punktum opnar opp for at det er høve til røyste blankt ved val og vedtak om tilsetjing.

Departementet har i rundskriv H-4/19 presisert følgjande når det gjeld val av fylkesutval ved forholdsval:

«Røystinga skal skje med bruk av røystesetlar. Det er ikkje høve til å føre opp kandidatar frå andre lister, og det er heller ikkje lov til å stryke kandidatar eller endre rekkefølga på kandidatane. Dette er endra i den nye kommunelova.

Valoppgjeret blir gjort av den forsamlinga som gjennomfører valet, og det vil seie av kommunestyret ved val av formannskapet og dei fleste utval. Føresegnene om oppgjeret er i § 7-6. Oppteljinga går føre seg ved at ein registrerer kor mange røyster den einskilde lista har fått.»

I rundskrivet skriv departementet m.a. dette når det gjeld avtaleval:

«Ved avtaleval er framgangsmåten avhengig av oppslutnad frå ei *samrøystes* forsamling. Dette gjeld både framlegget over kandidatar, og at valet skal skje som avtaleval.

Det blir lagd fram ei innstilling med namn på kandidatane som organet skal slutte seg til. Dette kan for eksempel gjennomførast på den måten at eit valutval, som kan vere sett ned av kommunestyret, legg fram ei innstilling til personsamansetninga i det organet det skal veljast medlemmer til. Framlegget kan også vere laga på bakgrunn av ein avtale mellom gruppene i det organet som skal velje medlemmer, der ein for eksempel legg til grunn at ei gruppe får ein representasjon som svarer til prinsippet om høveleg representasjon. Det betyr at plassane i organet skal fordelast ut ifrå samansetninga i det organet som vel medlemmer, og fordeling mellom gruppene blir omtrent det same i begge organ.

Innstillinga frå valutvalet skal splittast opp, slik at ein nemner medlemmer og varamedlemmer frå kvart parti eller kvar gruppe, med parti- eller gruppenemning. Varamedlemene blir dermed ikkje varamedlemmer for andre enn dei faste medlemene frå vedkomande gruppe, og det er ikkje høve til å opprette ei felles liste over varamedlemmer.

Ved avtaleval stiller kommunelova § 7-7 tredje ledd krav om at det skal vere balanse mellom personar frå kvart kjønn blant dei medlemene som blir valde når ein ser på organet under eitt. Dette inneber at dersom organet skal ha fire medlemmer eller fleire, så må kvart kjønn vere representert i organet med minst 40 prosent. Dersom organet har tre eller færre medlemmer, så skal kvart kjønn vere representert.»

H-4/19 - Rundskriv om konstituerande møte i kommunestyre og fylkesting – rettleiing om val til folkevalde organ med meir er lagt fram som meldingssak.

Medlemstal

Medlemstalet i fylkesutvalet er fastsett i fylkestingssak om «Reglement for folkevalde organ og delegering» som er behandla på dette fylkestinget.

I reglement for fylkesutvalet pkt. 1. Samansetjing:
"Fylkesutvalet har 17 medlemmer med varamedlemmer.»

Vedtakskompetanse

Kommunelova § 5-6

Vurderingar og verknader

Økonomi: Ingen direkte verknad

Klima: Ingen direkte verknad

Folkehelse: Ingen direkte verknad

Regional planstrategi: Ingen direkte verknad